



















程頤上太皇太后書

六月日具位臣程頤昧死再拜上書太皇太后陛下。臣愚鄙之人。自  
少不喜進取。以讀書求道為事。於茲幾三十年矣。當英宗朝。暨神宗  
之初。屢為當塗者稱薦。臣於斯時。自顧學之不足。不願仕也。及皇帝  
陛下嗣位。太皇太后陛下臨朝。求賢願治。大臣上辭。聖意搜揚岩穴。  
首及微賤。蒙恩除西京學官。臣於斯時。未有意於仕也。辭避方再。而  
遽有召命。臣門下學者。促臣行者半。勸臣勿行者半。促臣行者。則曰。  
君命召。禮不俟駕。勸臣勿行者。則曰。古之儒者。召之則不往。臣以為。  
召而不往。惟子思孟軻則可。蓋二人者。處賓師之位。不往。所以規其



鍾惺曰賢  
者出處自  
有溪心

君也。已之微賤。食土之毛。而為王民。召而不至。邦有常憲。是以奔走  
應命。到闕。蒙恩。授館職。方以義辭。遂蒙召對。臣於斯時。尚未有意於  
仕也。進至簾前。咫尺天光。未嘗敢以一言及朝政。陛下視臣。豈求進  
者哉。既而親奉德音。擢至經筵。事出望外。惴然驚惕。臣竊內思。儒者  
得以道學輔人主。蓋非常之遇。使臣自擇所處。亦無過於此矣。臣於  
斯時。雖以不才。而辭狀許國之心。寔已萌矣。尚慮陛下貧賢樂善。果  
於取人。知之或未審也。故又進其狂言。以覲詳。登如小有可用。則敢  
不就職。或狂妄無恥。則乞聽辭。避章再上。再命祇受。是陛下不以為  
妄也。臣於是受命供職而來。夙夜畢精竭力。惟欲立上德如堯舜。異



日天下享堯舜之治。廟社固無窮之基。乃臣之心也。臣本山野之人。稟性樸直。言辭鄙拙。則有之矣。至於愛君之心。事君之禮。告君之道。敢有不盡。上賴聖明。可以昭鑒。臣自惟至愚。蒙陛下特達之知。遭遇如此。願效區區之誠。庶幾毫髮之補。惟陛下留意省覽。不勝幸甚。伏以太皇太后陛下。心存至公。躬行大道。開納忠言。委用耆德。不止維持大業。且欲興致太平。前代英主。所不及也。但能日慎一日。天下之事。不足慮也。臣以為今日至大至急。為宗社生靈久長之計。惟是輔養上德而已。歷觀前古。輔養幼主之道。莫備於周公。周公之為萬世之法也。臣願陛下擴高世之見。以聖人之言為必可信。先王之訓為



必可行。勿狃滯於近規。勿遷惑於衆口。古人所謂周公豈欺我哉。周公作立政之書。舉言常伯。至於綴衣虎賁。以為知恤茲者。鮮一篇之。丁寧重複。惟在此一事而已。又曰。僕臣正。厥后克正。又曰。后德惟。不德。惟。又曰。侍御僕從。罔匪正人。以旦夕承弼。厥辟。出入起居。罔有不欽。是古人之意。人主跬步不可離正人也。蓋所以涵養氣質。薰陶德性。故能習與智長。化與心成。後世不復知此。以為人主就學。所以涉書史。覽古今也。不知涉書史。覽古今。乃一端耳。若止於如是。則能久。宮人。可以。勸講。知書內侍。可以。充輔導。何用置官設職。精求賢德哉。大抵人主受天之命。稟賦自殊。歷考前史。帝王才質。鮮不。



大全曰不  
看為位勢  
曰懷真奇  
彌惜

茅坤曰字  
字真切

過人狀而完德有道之人至少其故何哉皆輔養不得其道而位勢  
使之狀也狀惟皇帝陛下天資粹美德性仁厚必為有宋令主但恨  
輔養之道有未至耳臣供職以來六侍講筵但見諸臣拱手默坐當  
講者立案旁解釋數行而退如此雖彌年積歲所益幾何與周公輔  
養成王之道殊不同矣或以為主上方幼且當如此此不知本之論  
也古人生子能食能言而教之小學之法以豫為先人之幼也知惡  
未有所主便當以格言正論日陳於前雖未曉知且當薰聒使盈耳  
充腹久自安習若固有之難以它言惑之不能入也若為之不豫及  
乎稍長私意偏好生於內衆口辨言鑠於外欲其純完不可得也故



所急在先。豈有太早者乎。或又以為主上天資至美。自無違道。不  
須過慮。此尤非至論。夫聖莫聖於舜。而禹皋陶未嘗忘規戒。至曰無  
若丹朱好慢游。作傲虐。且舜之不為慢游傲虐。雖至愚亦當知之。豈  
禹而不知乎。蓋處崇高之位。儆戒之道。不得不如此也。且人心豈有  
常哉。以唐太宗之英睿。躬歷艱難。力平禍亂。年亦長矣。始惡隋之侈  
麗。毀其層觀廣殿。不六七年。復欲治乾陽殿。是人心果可常乎。所以  
聖賢雖明盛之際。不廢規戒。為慮豈不深遠也哉。況冲幼之君。閉邪  
拂違之道。可少懈乎。伏自四月末間。以暑熱罷講。比至中秋。蓋踰三  
月。古人欲旦夕承弼。出入起居。而今乃三月不一見儒臣。何其與古



人之意異也。今士大夫家子弟亦不肯德經時累月不親儒士。初秋漸涼。臣欲乞於內殿或後苑清涼處。召見當日講官。俾陳說道義。縱朕未有深益。亦使天下知太皇太后用意如此。又一日獨對與衆見不同。自朕情意易通。不三五次便當習熟。若不如。此漸致待其自朕。是輔導官都不為力。將安用之。將來伏假既開。且乞依舊輪次。直日所貴常得一員。獨對開發之道。蓋自有方。所習之益。最為至切。故周公輔成王。使伯禽與之處。聖人所為。必無不當。真廟饒蔡希伯侍仁宗。乃師古也。臣欲乞擇臣寮家子弟十歲已上十年已下。端謹穎悟者三人。侍上左右。上所讀之書。亦使讀之。辨色則入。昏而罷。歸常令



二人入侍。一人更休。每人擇有年宮人內侍二人。隨逐看承。不得暫離。常情笑語。亦勿禁止。惟須言語必正。舉動必莊。仍使日至資善堂。呈所習業。講官常加教勸。使知嚴憚。年纔十三。優令罷奉歲月之間。自覺其益。自來宰臣十日一至經筵。亦止於默坐而已。又間日講讀。則史官一人侍立。史官之職。言動必書。施於視政之時。則可經筵講疑之所。乃燕處也。主上方問學之初。宜心泰體舒。乃能悅懌。令則前對大臣。動虞有失。苟立史官。出言輒書。使上欲游其志。得乎欲發其言。敢乎深妨問學。不得不改。欲乞特降指揮。宰臣一月兩次與文彥博同赴經筵。遇宰臣赴日。即乞就崇政殿講說。因令史官入侍。崇政



殿說書之職置來已久。乃是講說之所。漢唐命儒士講論。亦多在殿上。蓋故事也。邇英迫狹。講讀官內臣近三十人在其中。四月間尚未甚熱。而講官已流汗。況主上氣脉嫩弱。豈得為宜。春夏之際。人氣蒸薄。深可慮也。祖宗之時。偶狀在彼。執為典故。殊無義理。欲乞今後只於延和殿講讀。後楹垂簾。簾前置御座。太皇太后每遇政事稀簡。聖體康和。時至簾下觀講。官進說。不惟省答。主上進業於陛下。聖聰未必無補。兼講官輔導之間。事意不少。有當奏稟。便得上聞。亦不可煩勞聖躬。限以日數。但旬月之間。適意則佳可也。今講官共五人。四人皆兼要職。獨臣不領別官。近復差修國子監太學條制。是亦兼他職。



也。乃無一人專職輔導者。執政之意可見也。蓋惜人才不欲使之閒。  
爾又以為雖兼他職不妨講讀。此尤不思之甚也。不敢言告君之道。  
只以告衆人言之。夫告於人者非積其誠意不能感而入也。故聖人  
以蒲盧喻教。謂以誠化之也。今夫鍾怒而擊之則武悲而擊之則哀。  
誠意之感而入也。告於人亦如是。古人所以齋戒而告君者何謂也。  
臣前後兩得進講未嘗敢不宿齋。豫戒潛思存誠。覬感動於上心。若  
使營營於職事。絲絲其思慮待至上前。狀後善其辭說。徒以頰舌感  
人不亦淺乎。此理非知學者不能曉也。道衰學廢。世俗何嘗聞此。雖  
聞之必以為迂誕。陛下高識遠見。當蒙鑒知。以朝廷之大人主之重。



譚元春曰  
笑者笑其  
腐信者信  
其道千載  
而下想猶  
如此

置二三守臣專職輔導。極非過當。今諸臣所兼皆要官。若未能遽罷。  
且乞免臣修國子監條制。俾臣夙夜精思。竭誠專在輔導。不惟事理  
當。且使天下知朝廷以為重事。不以為閑故也。陛下擢臣於艸野  
之中。蓋以其讀聖人書。聞聖人道。臣敢不以其所學上報聖明。竊以  
聖人之學。不傳久矣。臣幸得之於遺經。不自度量。以身任道。天下  
笑者。雖多。而近年信從者亦衆。方將區區駕其說。以示學。冀能傳  
於後世。不虞天幸之至。得備講說於人主之側。使臣得以聖人之學。  
上沃聖聰。則聖人之道有可行之望。豈特臣之幸哉。如陛下未以臣  
言為信。何不一賜訪問。臣當陳聖學之端緒。發至道之淵微。陛下聖



鑒高明。必蒙照納。如其妄僞。願從誅殛。臣愚不任懇悃惶懼待罪之至。

鍾惺曰。大賢之言。皆從根本發來。與剽竊者大不相同。細讀自見。葛寓曰。布帛菽粟之語。自有深細入微處。



程頤又上太皇太后書

日月具位臣程頤昧死再拜上書太皇太后陛下臣近言邇英講讀漸熟乞移就寬涼處貼黃稱如別無穩便處所只乞就崇政或延和殿竊聞給事中顧臨有言以延和講讀為不可臣本謂邇英熟恐於聖辭非宜今聞修展邇英苟得寬涼則臣志願遂矣於臨之言在臣自可不恤狀有所甚害不得不為陛下辨之若臨之言止於疑惑大皇太后聖意臣官非諫諍不辨尚可也今以臨言為是則誤主上知見臣職當輔導安得不辨臣竊謂自古國家所患無大於在位者不知學在位者不知學則人主不得聞大道朝廷不能致善治不聞道

茅坤曰不加學三字乞千古庸臣在內



則淺俗之論易入道義之言難進人君功德高下一繫於此臣非敢以諛言悅陛下竊聞陛下博覽前史請陛下歷觀簡策前世母后臨朝有不壞紀綱者乎有以至公為心孜孜求治為英主之事如陛下者乎此陛下所自知也陛下有簡策所無之盛德則天下亦望陛下為簡策所無之功業不止維持歲月俟人主長大而已蓋望陛下致海內於治安詔孫謀於久大詔謀致治之道當使聖德日躋善治日新進德在於求道圖事莫如稽古道必詢於有道之士古必訪諸稽古之人若夫世俗淺士以守道為迂以稽古為泥濘足以惑亂人主之聽近年以來士風益衰志趣汙下議論卑淺高識遠見之士益少



孫鑠曰  
俗之情一  
道破

習以成風矣。此風不革。臣以為非興隆之象。乃陵替之勢也。大率淺俗之人。以順從為愛君。以俾折為尊主。以隨俗為知變。以習非為守常。此今日之大患也。苟如是者。衆則人君雖有高世之見。豈能獨任哉。臣不知道道德之言。足以增益聖德者有幾。而損陛下之遠圖。移陛下之善意則有矣。如顧臨之言是也。臣料臨之意。不過謂講官不可坐於殿上。以尊君為說。爾夫殿上講說義理之至。當古者所嘗行也。臣不暇遠引。只以本朝故事言之。太祖皇帝。召王昭素講易。真宗令崔頤正講尚書。邢昺講春秋。皆在殿上。當時仍是坐講立講之儀。只始於明肅太后之意。此乃祖宗尊儒重道之盛美。豈獨子孫當以



為漆萬世帝王所當法也。而臨以為非。臨謂講官不可坐殿上。則昭  
素布衣之士。其不可更甚矣。邇英講讀。只自仁宗時亦從便。爾非是  
避正殿也。若避正殿。則不應置崇政說書之職。雖以殿名設職。不必  
須在本殿說書。狀亦必不肯於不可講說之所置說書官也。臣每進  
講。未嘗不規勸主上以祖宗美事為法。如臨之意。則是禁止主上不  
得復為優禮昭素之事。及有崇政設職之意。祖宗美事而使主上獨  
不得為。若主上信以為狀所損。豈不甚大。殿上說書亦是常事。人主  
崇儒之道。甚有重於此者。臣今口未敢言。狀心中惟欲輔養主上重  
道之心。如前代明王光耀史冊不止此一事而已。臨之見與臣之心。



昌黎曰如  
此辯論真  
足尊朝廷  
尊士氣正  
尊君

何其異也。且講經與飲宴孰重。真宗仁宗時皆宴講。讀官於崇政殿。  
從來侍宴皆在殿上。而講經獨不得在殿上。臣未諭其義也。臨之意  
必曰。彼一時之事。爾日常則不可。夫於義苟當。日常何害。義或不可。  
一時亦不可也。臣始言之。執政大臣未以為非也。及臨一言。則是而  
逆之。以臣度之。以臨之言為是者。亦或有之。若謂四五大臣皆以為  
是。則必不狀。蓋非難知之事。不應四五人所見皆如是也。特以陛下  
信臨之言。而又迫於尊君之意。故不敢言耳。恐非以道事君之義。今  
世俗之人。能為尊君之言。而不知尊君之道。人君惟道德益高。則益  
尊。若位勢則崇高極矣。尊嚴極矣。不可復加也。過禮則非禮。強尊則



不尊漢明帝於桓榮親自執業可謂謙屈矣周宣帝稱天自比上帝  
群臣齋戒數日方得朝見可謂自尊矣朕以理觀之漢明帝賢明之  
君百世所尊也周宣帝昏亂之主百世所賤也如臨之見則必以桓  
榮為不能尊君以周宣之臣為能尊君矣不知道之人益進不合理  
之言日聞雖人主聖明見聞習熟亦恐不能無損耳後世功業益卑  
先王粹美之道不復見於世者正繇淺俗之論易信而得行爾夫先  
王之道雖未能盡行朕稽古之心不可無也猶學者於聖賢之事雖  
未能盡行朕希慕之心不可無也此乃進學求古之道今臨之意則  
以古先之事為不足法本日之事足矣不可更有進也此乃塞進善



之門。絕稽古之路。方主上春秋之富。進德之際。而其所獻納如是。使  
勸講之官。稍思職業。敢不辯乎。若陛下以臣言為非。則狂妄之誅。不  
敢避也。萬一以臣言為是。則願陛下明示好古求道之意。使朝廷在  
位皆知之。雖鄙陋之人。見陛下聖慮高明。不喜淺近。亦將勉思義理。  
不敢任其卑倍之見。思獲鄙於聖鑒矣。誠如是。則將見道學日明。至  
言日進。弊風日革。為益孰大於此。臣職當辯明義。不敢默。臣無任懇  
切惶懼待罪之至。

鍾惺曰。人君知此。則小人姑息容悅之言。自不能入。







程頤論經筵第一劄子

臣伏觀自古人君守成而致盛治者莫如周成王。成王之所以成德。絲周公之輔養。昔者周公輔成王。幼而習之。所見必正事。所聞必正言。左右前後皆正人。故習與智長。化與心成。令士大夫家善教子弟者。亦必延明德端方之士。與之居處。使之薰染成性。故曰少成若天性。習慣如自狀。伏以皇帝陛下春秋之富。雖睿聖之資。得於天稟。而輔養之道。不可不至。所謂輔養之道。非謂告詔以言。過而後諫也。在涵養薰陶而已。大率一日之中。親賢士大夫之時。多親寺人宮女之時。少則自狀氣質變化。德器成就。故乞朝廷慎選賢德之士。以侍勸

孫鑄曰正  
語可入訓  
語



講講讀既罷○常留二人直日夜則一人直宿○以備訪問○皇帝習讀之暇○游息之間○時於內殿召見從容宴語○不獨漸磨道義○至於人情物態○稼穡艱難○積久自朕通達○比之常在深宮之中○為益豈不甚大○竊聞間日一開經筵○講讀數行○羣官列侍○儼然而退○情意畧不相接○如此而責輔養之功○不亦難乎○今主上幼冲○太皇太后慈愛○亦未敢便頻出○但時見講官○久則自朕接喚○大抵與近習處久○熟則生褻慢○與賢士大夫處久○熟則生愛敬○此所以養成聖德○為宗社生靈之福○天下之事○無急於此○取進止○

茅坤曰○輔養主德○自是致君第一義○伊川不憚再三言之○可謂識



所重矣

卷之四

藝文

三十四

集賢堂



宋史

卷五

一



程頤論經筵第二劄子

臣聞三代之前人君必有師傅保之官。師道之教訓。傳傳其德義。保保其身。骸後世作事。無本知求治。而不知正君。知規過。而不知養德。傳德義之道。固已疎矣。保身骸之法。復無聞焉。伏惟太皇太后陛下。聰明睿哲。絕哉前古。皇帝陛下。春秋之富。輔養之道。當法先王。以爲傳德義者。在乎防見聞之非。節嗜欲之過。保身骸者。在乎適起居之宜。存畏慎之心。臣欲乞皇帝左右扶侍。祇應宮人。內臣並選年四十五已上。厚重小心之人。服用器玩。皆須樸質。一應華巧奢麗之物。不。至於上前。要在侈靡之物。不接於目。淺俗之言。不入於耳。及乞



擇內臣十人充經筵祇應以伺候皇帝起居凡動息必使經筵官知之有剪桐之戲則隨事箴規違持養之方則應時諫止調護聖躬莫過於此取進止

孫鑛曰立論高人一等後世功業之卑俱坐不知此也



程頤論經筵第三劄子

臣竊以人主居崇高之位。持威福之柄。百官畏懼。莫敢仰視。萬古奉所欲。隨得。苟非知道畏義。所養如此。其惑可知。中常之君。無不驕肆。英明之主。自狀滿假。此自古同患。治亂所繫也。故周公告成王。稱前王之德。以寅畏祗懼為首。逆古以來。未有不尊賢畏相而能成其聖者也。皇帝陛下。未親庶政。方專問學。臣以為輔養聖德。莫先寅恭。動容周旋。當主於此。歲月積習。自成聖性。臣竊聞經筵臣寮侍者。皆坐而講者。獨立於禮為悖。欲乞今後特令坐講。不惟義理為順。所以養主上尊儒重道之心。取進止。



鍾惺曰、經筵三劄、雖各有所舉、然大意皆以輔養君德為主、絕不遷就其說、則其所學不為詭遇可知。



程頤禊飲詩序

上巳禊飲風流遠矣。而蘭亭之會。實為後人所稱慕者。何哉。蓋其游多豪逸之士。而右軍之書。復為好事者所重耳。事之顯晦。未嘗不在人也。潁川陳公廙。始居洛。則引流回環。為泛觴之所。元豐己未。首撰禊事。公廙好古重道。所命皆儒學之士。既樂嘉賓。形於歌詠。有不愧山陰之句。諸君屬而和者。皆有高致。野人程頤。不能賦詩。因論今晉之異。而為之評曰。以我好賢。方逐樂之心。禮義為疎曠之比。道藝當筆削之工。誠不懼矣。安知後日之視今日。不若今人之暮晉人也哉。鍾惺曰。雖韻趣語。而矜貴之氣自異。只是涵養於道德者深耳。



宋文公

卷五

集賢堂



程頤養魚記

書齋之前有石盆池。家人買魚子食。貓見其煦沫也。不忍因擇可生者。得百餘養其中。大者如指。細者如箸。夫頤而觀之。竟日始舍之。洋洋然魚之得其所也。終觀之。戚戚焉。吾之感於中也。吾讀古聖人書。觀古聖人之政。禁數罟不入污池。魚尾不盈尺。不中取。市不得鬻。人不得食。聖人之仁養物而不傷也。如是魚之於是時。其有是困耶。雖是魚孰不可見耶。魚乎。魚乎。細鉤密網。吾不得禁之。矜彼炮燔盟醬。吾免爾於此。吾知江海之大使爾遂其性。思量爾於彼而未得其路。後能以斗斛之水。生爾之命。生爾誠吾心。爾得生已多。萬類天地中。



吾○心○將○奈○何○魚○乎○魚○乎○感○吾○心○之○感○感○者○豈○止○魚○而○已○乎○  
記○至○和○甲○午○季○夏○  
回○作○養○氣

鍾惺曰○此先生少時作也○觸一物之微○便不勝王道之思○可見賢者根器迥別○



第申曰千  
古獨見之  
書

程頤明道先生墓表

先生名顥字伯淳。葬於伊川路國太師題其墓曰明道先生。弟頤序  
其所以而刺之。其石曰。周公沒。聖人之道不行。孟軻以聖人之學不  
傳。道不行。百世無善治。學不傳。千載無真儒。無善治。士猶得以明夫  
善治之道。以誦諸人。以傳諸後。無真儒。天下賢智焉莫知所之人。歎  
肆而天理滅矣。先生生千四百年之後。得不傳之學於遺經。志將以  
斯道覺斯民。天不憖遺。哲人早世。鄉人士大夫相與議曰。道之不明  
也久矣。先生出。揭聖學以示人。辯異端。闢邪說。開歷古之沉迷。聖人  
之道。得先生而復明。為功大矣。於是帝師採衆議而為之稱。以表其



墓○學○者○之○於○道○知○所○嚮○狀○後○知○斯○人○之○為○功○知○所○至○狀○後○知○斯○名○之○  
稱○情○小○可○夷○谷○可○堙○明○道○之○名○萬○古○而○長○存○勒○石○墓○傍○以○詒○後○人○元○  
豐○乙○丑○十○月○戊○子○書○

鍾惺曰、在當時以弟賢兄絕似過情、自今讀之、寔無一愧詞、詣筆、



程頤遺金剛志

元豐庚申歲。子行至雍華間。關西學者相從者六七人。子以千錢掛馬鞍。比旣舍。則亡矣。僕夫曰。非晨裝而亡之。則涉水而墜之矣。子不覺。喟曰。千錢可惜。坐中二人者。應曰。千錢失。太甚可惜也。次一人曰。千錢微物。何足為意。後一人曰。水中囊中。可以一視。人亡人得。又何嘆乎。子曰。人得之。非亡也。吾嘆乎有用之物。若沉水中。則不復為用矣。至難以語與。姓曰。人之器識固不同。自上聖至於下愚。不知有幾等同行者。數人耳。其不同如此也。與。姓曰。夫數子者之言。如何。子曰。最後者善。與。姓曰。誠善矣。狀觀先生之言。則見其有粹而無用也。子



同書而志之。後十五年。紹聖己亥九月日。因閱故編。偶見之。思與林  
之不幸。早歿。為之涕下。

鍾惺曰。叙得淺深有致。因見賢者無注而非學也。



程頤葬說

其宅地卜其地之美惡也。非陰陽家所謂禍福者也。地之美者則其神靈安。其子孫盛。若培植其根而枝葉茂。理固然矣。地之惡者則反是。朕則曷謂地之美者。土色之光潤。草木之茂盛。乃其驗也。父祖子孫同氣。彼安則此安。彼危則此危。亦其理也。而拘忌者惑以擇地之方位。決日之吉凶。不亦泥乎。甚者不以奉先為計。而專以利後為慮。尤非孝子安厝之用心也。惟五患者不得不慎。須使異日不為道路。不為城郭。不為溝池。不為貴勢所奪。不為畊犁所及。五患既慎。則又鑿地必四五丈。遇石必更穿之。防水潤也。既葬則以松脂塗棺槨。



石灰封墓門。此其大畧也。若夫精畫則又在審思慮矣。其各葬者。出  
不得已。後不可遷就同葬矣。至於年紀寢遠。曾高不辨。亦在畫誠。各  
具棺槨。葬之不須假夢寐著龜而決也。葬之穴。尊者居中。左昭右穆。  
而次。後則或東或西。亦左右相對而啟穴也。出母不合葬。亦不合祭。  
棄女還家。以殤穴葬之。  
茅坤曰。不矯儉。不惑世俗。可謂得葬禮之正。







